



Damonda da baghegiar

Nr. 142/2023

Datum da publicaziun: 01-12-2023

Patrun: Candinas Martin, 7173 Surrein

Liug e parcellas: Surrein-Plaun Fravia; 6424

Object: midada d'intent da clavau en magazin per maschinas e nova porta

Il profils ein tschentai ed il plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 01-12-2023

Cumissiun da baghegiar

Radunonza da vischnaunca

La proxima radunonza da vischnaunca ha liug gievgia, ils 14 da december 2023 allas 20.00 a Surrein.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 23-08-2023
4. Tractaziun ed approbaziun dil preventiv communal 2024
5. Fixaziun dils peis da taglia 2024
6. Elecziun da Martin Capaul sco suppleant dalla cumissiun da schazetg dalla meglieraziun funsila
7. Tractaziun ed approbaziun dil credit brut da 270'000 francs per la planisaziun dalla sanaziun dalla casa da scola Rabius
8. Orientaziuns
9. Varia

Il preventiv 2024 sa vegnir retratgs sin canzlia duront las uras da spurtegl. Plinavon ei il preventiv disponibels sin la pagina d'internet www.sumvitg.ch.

Sumvitg, 01-12-2023

Suprastonza communal

Clom da quen

Il quen communal vegn serraus cun ils 31 da december 2023. Per saver risguardar las expensas fatgas uonn el quen da gudogn e sperdita ein tut quels che han aunc dabiens viers la vischnaunca supplicai da dar quen sil pli tard entochen ils 15 da december 2023. Nus supplichein tuttas fatschentas sco era ils officials da vischnaunca d'observar quei termin.

Sumvitg, 01-12-2023

Suprastonza communal

Administraziun communal / Communicaziun

Mesjamna, ils 6 da december 2023 resta l'administraziun communal naven da miezdi serrada.

Nus sperein per Vossa capientscha e stein bugen per damondas a Vossa disposiziun.

Sumvitg, 01-12-2023

Administraziun communal

Uniun da dunnas Rabiis

Finiastras d'advent 2023

1. Berther Ramona ,Via Tschuppina 12
2. Lechmann Carin, Via Gir 3
3. Tuor Nicole, Via Gir 5
4. Lutz Gabriela, Via Sursilvana 9
5. Berther Rita, Via Sursilvana 9
6. Mini Consum, Via Sursilvana 48
7. Sgier Marietta, Via Surrein 12
8. Bearth Georgette e Carmen, Via Surrein 14
9. Cajacob Jasmine ,Via Sutvitg 9
10. Deplazes Iris, Via Surrein 5
11. Gadola Sara ,Via Staziun 5
12. Foppa Loredana, Via Staziun 3
13. Bearth Stefania, Via Cavivens 38
14. Deplazes Luzia, Via Cavivens 26
15. Walter Jaqueline e Lutz Silvio, Via Cavivens 24
16. Flepp Julia, Via Cavivens 7
17. Derungs Dorothea, Via Cavivens 15 (sur casa)
18. Deplazes Ursula e Pieder Degonda, Via Catat 29
19. Scola Rabiis
20. Bearth Sandra, La Gassa 2
21. Hunter Sandra e Rensch Onna, Via Chistrisch 9
22. Fry Anna Maria, Via Caduff 6
23. Vogel Cornelia, Via Caduff 3
24. Flepp Sonja, Cumadé

Nossa usitada spassegiada fagein nus ils 29 da december 2023 e sentupein si Cumadé tier in pign pushegn. (Detagls suondan)

Di dallas portas aviartas egl Archiv cultural Sumvitg

Dumengia, ils 3 da december 2023 a partir dallas 13.00 entochen allas 16.00 en casa da scola a Surrein. Igl archiv cultural Sumvitg envida tut tgi che ha interess, era interessai d'ordeifer la vischnaunca da Sumvitg, da vegnir a Surrein e prender investa da quei e tschei che ha anflau la via egl archiv. Ei vegn era mussau films e fotografias ed ina stiva da caffè envida da star in mument tier ina paterlada sur da temps vargai. Tgi che vul surdar quei di ina ni l'autra caussa agl archiv, sa bugen far quei. A bien seveser!

Sontgaclau viseta Cumpadials

Sonda, ils 09-12-2023 viseta il Sontgaclau las convischinas ed ils convischins da Cumpadials e Laus.

Dallas **18:00 uras** arriva il Sontgaclau avon casa da scola a Cumpadials per dar ina paterlada cun vischinas e vischins.

L'uniun da cultura e sport Cumpadials envida da passentar ina sera da cuminonza ed offerescha bubrondas, spagnolettis e piziultas.

Sin giavisch fa il Sontgaclau bugen viseta a casa.

A persunas che drovan agid da vegnir tier la casa da scola, purschin nus da far il transport.

Bugen prendin nus encunter annunzias entochen ils 08-12-2023 sut la nr. 078 917 18 97.

Uniun da cultura e sport Cumpadials

Viseta da Sontgaclau a Sumvitg

Ils 9-12 allas 16.00 va nies Sontgaclau da Crap ner cun siu asen e ses fumegls tras Sumvitg.

La sera fa el naven dallas 18.00 ina viseta a tut ils convischins da Sumvitg ed Uclauns en lur casadas. Sin in bien seveser il suentermiezdi ed era sin massa escha aviarta selegra Vies Sogn.

Messa rorate a Surrein

Pleiv Sumvitg

Nus havein grond plascher d'annunziar a vus nossa messa da rorate che duei denter auter era esser sentupada d'Advent per l'entira pleiv. Quella ha liug **dumengia, ils 10 da december 2023** allas 07:00 en baselgia a Surrein. In e scadin ei cordialmein envidaus suenter messa da star ensemen e guder in sempel solver en sala da scola. Nus selegrein sin stedia participaziun e salidein cordialmein. *Sur Saji ensemen cul cussegl pastoral*

Iniziativa communal per in uorden da scola pli pauc rigurus

Preziadas convischinas e preziai convischins

Il davos da mars 2023 ha il Cussegl da scola dil Consorzi da scola Sumvitg-Trun retschert ina iniziativa dil pievel da Trun per in uorden da scola pli pauc rigurus. Suandontamein il text dall'iniziativa (citat): "Moviment promova en general la habilitad da tschaffar si ed emprender. Nies plaz da scola ed ils urdeins disponibels ni intimeschan ni promovon talas activitads tier e denter ils affons. Ord quei motiv han pliras votantas e votants dalla vischnaunca da Trun signau l'iniziativa ell'aschunta. In'infrastructura adattada pils affons ei ina cundiziun da rama per promover igl emprender. Tier las cundiziuns da rama s'audan denter auter era reglas, mesiras etc. Ei gida pia nuot dad haver in grondius plaz da pausa resp. plaz da scola sch'igl ei scumandau da nezegiar quel. Mintg'onn alla nova constatein nus ch'igl uorden da scola ei memia rigurus. El possibilitescha sulettamein a moda fetg restrenschida als affons da giugar e termagliar ensemen (p.ex. scamond da giugar cun bals). Entras possibilitar il giugar e termagliar ensemen, sco era il saver rimnar ensemen novas experientschas, duei il spazi disponibil dil plaz da pausa perquei puspei survir ad ils affons sco "plaz scola" resp. "plaz da pausa" e quei cun slucar igl uorden da scola a moda adattada per immediat resp. sil pli tard entochen l'entschatta digl onn da scola 2023/2024."

100 persunas cun dretg da votar en vischnaunca da Trun han susteniu l'iniziativa cun sia suttascripziun. L'iniziativa ei valeivla. En ina emprema sesida il matg 2023 han la presidenta dil cussegl da scola e dus cussegliers dil cussegl da scola ensemen cun ils tschun emprems iniziants priu investa digl uorden da scola e priu encunter propostas per adattaziuns, sco era

ulteriuras mesiras per l'implementaziun digl uorden da scola. Il Cussegl da scola ha approbau tuttas propostas indicadas. En ina secunda sesida igl october 2023 ein davosas damondas vegnidas sclaridas e l'implementaziun dallas mesiras vegnida terminada.

Igl uorden da scola ei vegnius adattaus als giavischs dil iniziants, la versiun approbada ei gia en vigur e d'anflar sin la pagina d'internet dil Consorzi. Il plaz pausa Trun ei vegnius engrondius formalmein, aschia ch'ils affons astgan era far diever dil plaz verd. Il plaz scola Trun vegn refrestgentaus cun giugs colurai sil catram e material accumpignont. Per promover il moviment dils affons ei vegniu decidiu d'introducir in program correspudent. Il Cussegl da scola decida il december davart il program adattau, che vegn lu introduciv naven d'il schaner egl entir Consorzi. Ils tschun emprems iniziants han declarau l'iniziativa cun l'implementaziun dallas mesiras definadas sco ademplida.

Cussegl da scola Consorzi da scola Sumvitg-Trun

Meisa da miezdi a Cumpadials

Nadja Scolieri e Team organisescha ensemen culla ProSenectute Surselva la meisa da miezdi (Mittagstisch) inagada per meins a Cumpadials. Igl intent dalla meisa da gentar ei da promover la cuminonza denter persunas ella vegliadetgna dalla pensiun ella vischnaunca da Sumvitg e contuorn.

Liug: Ustria dalla Staziun, 7176 Cumpadials

Datum: venderdis, ils 8 da december 2023 allas 12.00.

Annunzias ein da far entochen mesjamna ils 6 da december tier Ustria dalla Staziun, Telefon 081 943 19 22

Apparat d'udida

Gliendisdis, ils 11 da december 2023 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.

Uniun samaritana Sumvitg-Trun

Acziun da spender saung

Mira sut vischnaunca Trun!